

**Theologia Scholastica Secundum Viam Et Doctrinam D.  
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo  
& norma ibidem usitata publicè tradita, & in IV. Tomos digesta ; Qvorvm  
Primvs Tractat De Deo Vno Et Trino, Deq[ue] Creatura Angelica ...

**Mezger, Paul**

**Augustæ Vindelicorum, 1695**

§. I. An Princeps teneatur suis Legibus?

---

[urn:nbn:de:hbz:466:1-74152](#)

[2.] quotiescumque boni communis magis interest observatio legis, quam vita subditi.

Ratio 1. partis est: Potestas Legislativa ordinatur ad conservationem totius communitatis; sed aliquando nequit conservari tota communitas, nisi pars exponatur periculo vita pro bono totius, veluti cum in bello milites, cum tempore pestis medici ad curanda corpora, Sacerdotes ad ministranda Sacraenta exponuntur: ergo lex hoc potest præcipere.

Secunda pars, quæ explicat, unde nam dignosci possit, quando lex humana obliget cum vita discrimine, probatur: Cum finis primarius legis sit bonum commune, tamdiu viget legis obligatio, quamdiu ipsius observatio est necessaria pro bono communi: sed in casu, quo boni communis magis interest observatio legis, quam vita

subditi, legis observatio est necessaria pro bono communi, non obstante vita periculo: ergo etiam hoc non obstante viget ipsius obligatio.

Hinc optimè colligit Magnif. P. Petzschacher, discrimen inter legem Divinam, & humanam; quod cum lex Divina non obligat cum vita aut alterius gravis boni dispendio, id tribendum sit Divina benignitati, temperantis uolum fuisse. prema potestatis & dominii in nostram vitam & corpora: cum vero lex humana non obligat cum ejusmodi dispendio, id sit adscribendum defacti potestatis, quia legislator humanus ab auctoritate mediante communitate non accepit potestatem disponendi de vita & bonis subditorum tatis.

## ARTICULUS V.

### Quinam obligentur lege humana?

#### S U M M A R I A.

1. Alia vis legis directiva, alia coactiva.
2. In statu Aristocratico quilibet ex Optimatibus directe obligatur.
3. In materia deinceps statum Principis, ipse non obligatur sua lege.
4. Neque obligatur sua lege quoad vim coactivam.
5. Tenetur Princeps lege, que tantum est sua quoad modum.
6. Tenetur sua lege per accidens ratione scandali, vel pauci.
7. Princeps quoad vim directivam tenetur suis legibus.
8. Non directe. 9. Sed indirecte.
10. Quomodo tenetur Princeps lege irritatoria?
11. Obligatio Principis non est ex sola decentia naturali.
12. Transgrediendo suam legem in gravi materia peccat mortaliter contra illam virtutem, ad quam materia præcepta pertinet.
13. Objectiones solvuntur.
14. Indirecta obligatio Principis non nascitur ex pacto.
15. Princeps per se non obligatur lege municipalis.
16. Ecclesiastica persona neque directe, neque quoad vim coactivam obligantur per leges civiles.
17. Neque obligantur legibus suum statum dedecentibus.
18. Clerici indirecte obligantur legibus civilibus commune concernentibus.
19. Argumentum oppositum diluitur.
20. Infantes & amentes non obligantur humanis legibus.
21. Pueri post usum rationis subjiciuntur legibus humanis iuxta etatis capacitatem.
22. Et incurruunt censuras annexas.
23. Praesentia subditi alia physica, alia moralis.
24. Subditi etiam mortaliter absens non tenetur lege sui territorii.
25. Disparitas inter legem & præceptum.
26. Non obest, tametsi subditus excedat territorio ad evitandam obligationem legis.
27. 28. Corollaria practica.
29. Peregrinus per animum permanendi in aliquo loco acquirit ibi domicilium, & tenetur legibus loci.
30. Advena volentes longo tempore habitare subjiciuntur loci legibus.
31. Peregrini transeuntes tenentur legibus communibus:
32. Et necessario ad conservationem boni publici:
33. Itaq., quibus præscriptur forma contractibus.
34. Legibus particularibus non tenentur.
35. Solvuntur Objectiones.
36. Vagi subjiciuntur legibus loci.

#### §. I.

##### An Princeps tenetur suis Legibus?

**N**ota, vim & efficaciam legis esse duplcem, directivam, & coactivam. Illa est, qua obligationem inducit in conscientia; ita, qua transgressorum penam imposita coerct, si quis reddit obnoxium. Rursum: obligatio in conscientia potest à vi directiva provenire vel directe, vel indirecte. Directe, si causa obligandi stipula est & voluntas Legislatoris; indirecte, si lex & voluntas Legislatoris tantum sit occasio, ut obligatio aliunde resultet. E.g. subditi directe obligantur lege territorii, quia subjiciuntur jurisdictioni Principis legem ferentis; non subditi portans se servaturum leges territorii, indirecte obligantur, quia lex est ipsi occasio, ut juramento ligatur. Hoc posito

Certum est primò, quod, in statu Aristocratico, ubi Optimates dominantur, & in statu Democratico, ubi summa potestas est penes eorum populi, quilibet ex Optimatibus, & ex populo directe obligatur publicatis legibus, quin in priore statu senatus consulta, in posteriori plebiscita vocantur; quia quilibet ex Optimatibus & popularibus est verus subditus respectu totius certi, tum optimatum in statu Aristocratico, tum populi in statu Democratico, adeoque directe obligari

gari potest. Igitur questio procedit de Legislatori Monarchico, h. e. Principe Ecclesiastico, vel sacerdotali, de quo

3. Certum est secundò. Silex contineat materiam subditis propriam, cuius observatio dedecet dignitatem & statum Principis, tunc eundem suā legē nullatenus obligari, ut si lex jubeat, ne quis gladiatus incedat, &c. Unde rursus procedit quæstio in materia Principi cibibus communis, ut si sit lex de servando jejuno, certo rerum pretio, &c.

4. Certum est tertio. Principem non obligari suā legē quoad vim coercitam, quia cogere, & poenas infligere est actus extrinsecus à Superiori procedens: sed Princeps Monarchicus non habet se superiorē: ergo. Igitur loquendo solum de efficacia & vi legis directivae.

5. Certum est quartò. Principem teneri suā legē, qua tantum est humana quoad modum, & quandam materialē determinationem; est verò Divina vel naturalis quoad substantiam: huic enim non minus ipse subiectur, quam subdit. Sic supposita legē taxante valorem moneta, vel pretium rerum, iure naturali princeps obligatur servare ejusmodi pretium in contractibus. Supposita determinatione juris Divini, quo S. Communionis præcipitur, ad tempus Paschale, etiam Sum. Pontifex obligatur, &c.

6. Certum est quintò. Principem legislatorem, quoad vim directivam obligari posse per accidentem, nimirum ratione scandali, vel pauci interventiones, si videlicet pacto se obliget erga suos subditos, eācōnditione principatum suscipiat, quod nullam velit legem ferre, nisi quam ipsomet obseruer. Ulterius ergo queritur: An etiam per se Princeps obligetur suā legē quoad vim directivam? De quo triplex potissimum est sententia. Prima negat, Principem directè, vel indirectè quoad vim directivam obligari suis legibus, quam tenet Salas disp. 14. sect. 2. Azor l. 5. c. 11. Sangallenses sect. 3. q. 2. Suarez l. cit. aliquid que censem, obligari directè, communior sententia quam docent Salmantici, agnoscit in Superiori obligationem, sed indirectam, in cuius tam sententia explicatione non omnes converniunt.

7. CONCLUSIO. Princeps Legislator quoad vim directivam tenetur suis legibus in materia communis, & accommodata tam Principi, quam subditis. Ita Reding. a. 3. contr. 3. conformatum ad mentem S. Doct. q. 96. a. 5. ad 3.

Prima pars probatur: nam primo Christus Matth. 23. reprehendit Prælatos, qui multa jubent, & non faciunt. Alligant, inquit, onera, & digho suo nolunt illa movere. Secundò. in c. Cū omnes, de constitut. quod D. Th. adducit loc. cit. dicitur: cūm, quod quisque juris in alterum statuit, ipse eodem uti debeat, & Sapientis (Catonis) dicat authoritatem: Pater legem, quam tu ipse tuleris, &c. In c. justum disp. 9. Justum est Princeps legibus obtemperare suis: tunc enim iuris sua ab omnibus custodienda existimet, quando & ipse illis reverenter paret. Et ne ita confilientium causa dicta existimetur, ibidem subiungit: Princeps legibus teneri suis, nec in se posse remunare iura, quæ in subiectis constituantur, iusta est.

R. P. Merz, Theol. Schol., Tom. II.

enim vocis auctoritas eorum, si, quod populis prohibent, sibi licere non patiantur. Unde D. Ambros. ep. 32. ad Valent. Imp. Cum præscripti aliis, præscripti etiam tibi, leges enim Imperator fert, quas primus ipse custodiat. In l. digna vox. C. de legibus. Digna vox est majestate regnantis, legibus alligatum se Principem proficeri, &c. Denique D. Th. loc. cit. quantum ad DEI iudicium [h. e. in foro conscientia] princeps non est solitus a lege, quantum ad vim directivam ejus.

CONCLUSIO SECUNDA. Hac obligatio in Princepe non provenit directè a propria ipsius lege.

Ratio est primò. Lex principis, prout habet vim directè obligandi, est ipsius imperium politicum versus subditos: sed Princeps non est respectu sui ipsius Superior aut subditus: ergo lex respectu ipsius Principi non habet rationem legis directè obligantis. Secundò. Directa obligatio pendet ex voluntate & intentione Principis: sed Princeps in condenda & publicanda lege intendit alios, non seipsum obstringere: ergo. Nihilominus sit

CONCLUSIO TERTIA. Princeps indirec-  
tè tenetur suis legibus.

Ratio est: Princepem indirecè obligari suā legē, aliud nihil est, quam ipsum directè obligari à legē naturali, ut se conformer suis subditis in observantia sua legis, ex hypothesi, quod illam rationabiliter tulerit: sed ita obligatur: ergo. Minor probatur: nam lex naturæ obligat Princepem ad procurationem boni communis: sed hoc maximè pender à bono exemplo Principis, & conformitate omnium membrorum: nam ut D. Aug. l. 3. confess. c. 8. turpis est omnis pars suo universo non congruens: ergo ex suppositione legis rationabiliter promulgata, ex consequenti lex naturæ Princepem obligat ad observantiam sua legis. Cum itaque dicitur Princeps esse solitus legibus, & esse supra leges, id intelligendum est de potestate directa, & coercitiva, non autem de potestate indirecta; item in hoc sensu, quod leges ex rationabili causa mutare, abrogare, & in iis dispensare possit, non verò quod sit ab omni obligatione immunis, ut habet S. D. loc. cit. Ita docent præter citatos clarissimus D. Clele Jurisper. fundam. l. 1. Tit. 11. §. 5. & Clariss. P. König. Jur. Can. l. 1. Tit. 2.

Colliges ex dictis primò. Princepem indirecè obligari per legem irritatoriam, in quantum illa inducit obligationem omitendi actus: nam hæ militat eadem ratio, quæ in aliis legibus: in quantum verò tollit valorem actus, sic verius non obligatur: cum enim princeps possit in lege dispensare, presumendum erit, quod in tali casu & puncto secum dispensare voluerit, si contra legem egerrit.

Colliges secundò. Contra Salmanticensis, pluresque alios, prædictam obligationem non oriunt ex sola honestate & decentia naturali, ut Princeps se conformet suis subditis, ne illas suis subditis reddat suspectas, duras & odiosas; sed etiam quia dictat lex DEI æternæ & naturalis, ut Princeps in materia virtutis, quam pro bono communis necessariam determinaverit, ipse hoc agat exemplativè, quod subditi agunt subjective: non enim minus ipse legi naturæ obligatur suo exemplo,

exemp'ō, quām suā lege prospicere bono publico; si ergo judicet necessarium, suā lege determinare subditis observantiam certā virtutis, v.g. jejunii, vel abstinentia intra motum & virtutem temperantiae; apertio nem hortorum ad sublevationem pauperum, ex motivo & virtute misericordiae, observantiam alicuius feli, recitationem Breviariorum, frequentationem Sacramenti, &c. ex motivo & virtute Religionis, quod subditis tenetur facere subiective, h.e. vi subiectio-  
nis, quā obligantur obediere Superiori praecipien-  
ti, Princeps tenetur facere exemplative, h.e. ex  
ratione capitis, quā non minus tenetur suō exem-  
plō prospicere bono publico, quām subditis suō  
obsequiō. Ex quo ulterius

12. Colliges tertio. Principe transgrediendo suas leges in gravi materia, non tantū peccare venialiter contra honestatem & decentiam conformatitatis cum reliquis membris Reipubl. sed etiam mortaliter contra illam ipsam virtutem, cuius materiam suo precepto observandam determinat. E.g. si ruerit legem propter necessitatem patria, ne frumentum efferratur, ne arma, vel equi hostibus vendantur, peccabit contra pietatem in patriam, frumentum efferendo, & arma vendendo, &c. nam supposita determinatione certae materie sub motivo alicuius virtutis, non minus Princeps obligatur lege & dictamine naturali, per conscientiam imperante: *'Patere legem, quam ipse tuleris'*; quām subdit, lege & dictamine naturali: *'Obediendum est Superiori iusta imperanti'*: sed ista sic obligantur, ut peccent contra virtutem, sub cuius motivo materia per legem determinatur: ergo & Princeps suā legi contrariando hoc modo peccabit.

13. Sed opponunt Theologii S. Galli primō. Neque ex moralibus principiis per se notis, neque ex ulla positivalege constat, Principe obligari in conscientia servandas leges proprias: ergo gratis alesurit. Secundo lequeretur legislatorum strictiori jure obligari ad servandas suas leges, quām obligantur subdit: illi quippe humano solū vinculo stringuntur facile dispensabili, ille vero tenetur adamantino vinculo legis naturalis, vel divina: quod est absurdum.

Respond. ad 1. ex lege tam Civili quām Canonica, & autoritate Angelici Doctoris, quas n. 7 adduximus, sufficienter constare, dari legem aeternam & naturalem, quā Princeps tenetur, in materia sibi & subditis communī, ea agere per modum capitis, quā subdit agunt tanquam membra inferiora Reipublica.

Ad 2. Respondeo primō. Non esse tantum absurdum, ut Adversaris appetat, quod gravius in iudicio DEI impuretur Principi transgressio sua legis, quām subdit; cū Principe transgressiones sint suapte natura scandalosae, & perniciose bono publico, cū magnis animos subeant auhoribus. Neque est hoc scandalum per accidens, sed quasi per se conjunctum, si Princeps legem à se rationabiliter latam primus non servet. Respond. secundō negando antec. nam in hoc est paritas inter Principe & subditos, quod utramque partem stringat legis naturalis obligatio: hac tamen differentia, quod subditos obliget radicaliter & remotè, mediante nimirum

voluntate & lege Principis; Principem verò proximè, sed tamen ex hypothesi legi Principi rationabiliter lata. Quā proinde remotè per dispensationem, etiam cessabit influxus legis naturalis.

Colliges quartō. Obligationem indirectam Legislatoris non nasci ex virtuali pacto inito inter Rēpubl. & Principem, eā conditione accipiendi potestatem ferendi leges, ut ius & plenum foret obstrictus: Neque ex pacto & conditione sub quā Deus potestatem legislatori dederit, rendi leges universales, ut illicet, ita exigente necessitate boni communis torisque corporis, etiam Princeps tanquam Reipubl. caput obligaretur. Nam primum quidem minimè subficit: tum quia id pactum gratis & sine fundamento sicutur: tum quia non erat in potestate Reipubl. Principem absolvendi ab illa obligatione: tom quia fallit in legibus Summi Pontificis, qui sum jurisdictionem immediate habet à DEO. Secundum quoque, quod Suarez affirmit, c. 3. n. 11. non stat solidō fundamento: cū enim facere Suarez necessitas boni communis exigat hanc obligationem, quid opus est aliquo pacto speciali & libero DEI? cū les naturae dicet, *'Patere legem, quam tulisti'*, ad stipulante communis consensu legum & Sapientum; ē quibus Aristoteles, Polit. c. 7. docet, *'Legem debere in Rēpublica dominari'*; & Iosephus I. 17. antiqu. c. 10. Tyrannus characterem in Herode agnovit, quod esset iuris Dominus, sed ira servus.

Colliges quintō. Per se loquendo Principem non obligari lege municipalī, remoto videlicet periculō licandi, vel injuriā & iniquitatē in contractibus: nam Princeps obligatur tanquam caput & membrum Reipubl. est autem caput non tantū respectu hujus civitatis, & provinciæ, sed respectu plurium. Ita Haunold, Paulus, Suarez, cit. & P. Feschacher q. 4. a. 11.

## §. II.

*An Clerici teneantur Legibus Civilibus?*

Suppono primō. Clericos & Regulares teneantur vi coactivā legum civilium, [2] neque directe obligari: utique enim modis obligandi supponit in obligante ius & potestem supra personam obligatam, que nulla estia magistratu civili supra personas ecclesiasticas, ut pote in eminentiū statu, & gradū virtute constituta, uti constat ex e. Ecclesiastice constitut. ubi dicitur: *'Quod Laicus super Ecclesiastis & personis Ecclesiasticis nulla sit attributa facultas: quod obliqui manet necessitas, non auctoritas imperata &c.'* Et Concil. Later. Sess. 9. Cū à iure tam Divino, quām humano laicus nulla portet in Ecclesiasticis personas attributas.

Suppono secundō. Quando leges civiles disponunt de personis, aut rebus Ecclesiasticis vel de materia & objecto statuti Ecclesiasticum decentem, neque directe, neque indirecte extendit ad personas Ecclesiasticas; tunc quippe legum ratione quad Ecclesiasticos resolvit, tam ius Divinum, quām Canonicum, quod Ecclesiasticum statutum supra laicalem evexit. Igitur quod est de legibus Civilibus, quā ad communem Rēpublicæ felicitatem ordinantur, statutum Ecclesiasticum.